

domus tua; et torrende voluptatis tuae potabis eos; quoniam apud te est fons vitae et in lumine tuo videbimus lumen. Præfende misericordiam scientibus te. Sed omnia hæc humiliationis ejus exitere fractus, quia immediate hæc divina Majestati porrigit, subjicitque supplicam: *Non veniat mihi pes superbia;* quasi diceret, ad conservandos dictos favorem thesauros, necessaria mihi est humilitas. Inde et in alio loco protestatur dicens: *Elegi abjectus esse in domo Dei mei;* quia scilicet quantumvis regiam portaret coronam, nihilominus ex devotionis et obsequii instinctu, inter reliquum vulgus ante Arcam ludere non erubuit: *Ludam et vilior facti, plus quam factus sum.* Sed tantæ abjectionis atque contemptus fructum observetis velim; postquam enim dixisset: *Elegi abjectus esse in domo Dei mei;* immediate prosequitur dicens: *Gratiam et gloriam dabit Dominus.* Ita quoque alibi, postquam dixisset: *Ego autem humilitatis sum nimis,* mox extasium suorum ingerit mentionem, dicens: *Ego dixi in excessu meo: omnis homo mendax;* ut scilicet nos altissima Dei dona humilitatis fructus esse doceret; quod verissimum esse, omnium docuit temporum experientia, quando scilicet servi Dei, quo plus suum ambirent contemptum, inque oculis propriis humiles a mundo separati, saccoque vestiti viverent, tanto abundantiores donorum prophetia, raptum, revelationum, visionum, apparitionum, extasium, miraculorum aliarumque similium prærogativarum possederent thesauros.

d. — Subducendus populo tener animus et parum tenax recti. Adeo nemo eorum, qui etiam studiose ingenium ad virtutem concinnant, ferre impetum vitiorum tam magno numero venientium evolet, ni e turba sequestretur; perrarus est enim, qui frequenti turbæ tuto se credat, illesus committat. Pulehre proinde ait Seneca, *Epist. vii:* « Quod ægri eventit, quos longa imbecillitas usque adeo afficit, ut nunquam sine offensa proferantur, hoc accidit nobis, quorum animi ex longo morbo resciantur. Nemo non aliquod vitium nobis commodat, aut imprimi, aut noscentibus allinuit. » Utique quo major est populus, cui commisceamur, eo periculi plus est; unum enim exemplum luxurie, avaritie, ambitionis, multum mali facit. Convictor delicatas sensim enervat; vicinus dives cupiditatem irritat; garrulus maledice comes blandientis malloquencie pruriginem affricat. Et ideo celestis Medicus, hunc ægrum in corpore et animo curaturus, pericula multitudinis probe noscens, a turba seorsum subducit, ut doceat solitudinem ei sectandam esse, qui virtutes seclare et vitiorum morbos effugere anhelat. Virtutum enim gymnasium et formatrix solitudo est: hæc animum fingit et perfectionem consummat.

e. — Miser erat ille homo surdus et mutus; figura pessimi peccatoris, qui Dei legem præter-

gressus, vitis collo tenuis immersus hæret; quem ut Christus verus Medicus curet, apprehensum e turba deducit. Cur autem seorsum? Quia solitudo ad observandam Dei legem et suffocanda vitia plurimum conducit. Pientissimus igitur Salvator, missurus digitos suos in aurículas hujus surdi, quod idem facit spiritualiter quando cordi peccatoris, ad vocem Dei prius surdo, insinuat suas inspirationes et gratias sanctissimi sui Spiritus, *digitus Dei est hic,* voluit ipsum semovere a turba, ad denotandum quantum peccatori suffragetur solitudo, ut ei operiatur cor ad recipiendas inspirationes Dei. Multorum annorum spatio S. Augustinus vocationi Dei surdas præbuerat aures; quando igitur illi paruit? Quando influentis celestibus sinum suum aperuit? « Solitudo mihi ad negotium flendi aptior suggeratur; » sic scribit in Confessionibus, *lib. VIII, cap. xii.* Attenta percurrite lectione conversionem ejus, et invenietis quod ut vehementibus et abundantibus divinarum gratiarum impulsibus cooperaretur, ac Deo cor suum aperiret, in agrum secessit solus, ibique sub ficu sedens, ac cælum suspiciens, post iterata effusa suspiria et gemitus, illam de cælo inaudivit vocem: « Tolle, lege. » Librum excepit, cumque intelligens cælitus missum, aperuit; legit primum caput, quod istud S. Pauli Apostoli continebat monitum: *Non in commensationibus,* etc. Sicque verificabatur ad unguem illud oraculum prophetæ Osee, *i, 14:* *Ducam eum in solitudinem, et ibi loquar ad cor ejus.* Quamdiu enim ipse non se sequestravit a concursu mundano, tandem nec a lepra inveteratorum vitiorum snorum mandatus fuit. « Probus quietæ vitæ amator, » verba hæc sunt Philonis Hebræi, « secessum et solitudinem diligit, latere ignotus cupiens, non societatis humanæ odio; est enim cum primis amans hoc minus; sed quia fugiebat vitia quibus vulgus delectatur. »

f. — Eecur seorsum apprehendit infirmum, quem mox palam sanum ostendit? Quare etiam proprio sputo muti linguam salvat? Ad uti lingua de odore salivæ Dominicæ reddatur lubrica et idonea loquelæ habilis? Hac super re ita philosophatur Theophylactus: « *Et expuens tetigit linguam ejus,* ut scilicet ostenderet quod omnia membra sacri Corporis ejus divina existunt, et « sancta, sicut et sputum, quod vincula lingue solvit. Etenim omne sputum superfluum est. » Nil Christianus in Christo ejusque sanctis membris superfluum putet. Nam quod superfluum in ipsis putatur, ut sunt vestes, sacraque reliquæ, eas in maxima honorificentia et summi Ecclesie Pontifices et reges ac imperatores etiam infideles habuerunt. Quomodo enim superfluum in Christo, ejusque Sanctorum reliquiis reputes, quod tibi proficuum, et salutare, et medicum est; per quod tui corporis et animæ languores sanantur, virtutes conquiran-

tur et augmentur, uti sunt reliquæ sanctæ? Ita enim efficaces et medicæ Christi, Sanctorumque reliquæ, ut etiam nihil de hujus surdi fide et devotione appareat, multoque minor illum offerentium fides comitetur, nihilominus suspiciens in cælum Jesus, dum propriæ carnis et sputi tanquam instrumenta sancta adhibet, infirmum perfecte sanat. Et per hoc instruit omnes et discipulos suos, et Christianos sancta esse Sanctorum lipsania cultuque singulari veneranda; utpote quæ ipse Jesus Christus Deus magni appretiat, perque immerenti sanitate concedere dignatur.

g. — Sufficisset, si Salvator digitum auriculis applicasset surdis; sed nec auriculæ caperent plusquam unum aut alterum digitum. Misit tamen sine discrimine Jesus digitos suos in aurículas ejus. Insuper expuens tetigit linguam ejus ut sic longius remediis superarentur vulnera, nec toto esse possent morbi, quot, divina miseratione, peccatorum remedia. Et quando remedia a Deo miserante concessa, et a nobis digne applicata, non excedant peccatorum vulnera? Sed Deo ad penitentiam vocanti, sine mora parendum est. S. Augustinus ingeniose et cum magno fructu nostro observat quod Christus nos ad sequelam suam invitans in tempore presenti dicat: *Qui sequitur me non ambulat in tenebris sed habebit lumen vitæ.* *Joan., viii, 12.* Non dicit: *Qui sequetur me,* in tempore futuro. « Quod promisit futuri temporis verbo posuit. Non enim ait: *Habet, sed habebit, inquit, lumen vitæ.* » Non ait tamen: *Qui sequetur me, sed qui sequitur me.* In eo quod facere debemus, tempus æ præsens posuit. Quod autem promisit facientibus æ futuri verbo significat. *Qui sequitur habebit.* »

Porro illi, qui, cum de mundo deserendo agitur, oculos suos ad tempus futurum defixos habent, regnum Dei non habebunt, sicut nec verum lumen; bene tamen illi qui in presenti tempore et sine mora Christum eos vocantem sequuntur. Similiter Christus ei, qui se divino ejus servitio mancipare volebat, dixit: *Si vis ad vitam ingredi, serva mandata.* Non dixit illi, tempore futuro, *servabis;* sed in presenti tempore, *serva.* Zachæus publicus peccator erat et princeps Publicanorum. Audita vero per famam Christi sanctitate, curiositate sola ductus, Christum videre cupiebat, quando erande inde transiturus, non vero se Christi sequelæ consecraro intendebat. Et tamen se vocari audiens, laborante interius in ipso Spiritu Dei, cum eadem celeritate, quæ ex sycomorò descenderat, et ipse pariter festinus obedit, quia sacer textus ait: *Festinus descendit.* Ac proinde felicem illam vocem audire meruit: *Hodie huic domus salus a Deo facta est.* Notandum quoque quod idem Zachæus, ut Deo vocanti digne pareret, non dixerit in tempore futuro: *Dabo, reddam,* sed in presenti tempore: *Do, reddo.* S. Ambrosius ait: « Penitentia non

« verbis agenda est sed et actu. » Etenim promissionibus nostris non creditur, nec sufficit dare verba, vota emittere et juramenta præstare; verum insuper prompta requiritur executio.

h. — Prudentem sanæ medicum hic se exhibet miraculi patratore Dominus Jesus qui digitos ponit ubi malum regnat, quasi aut mali naturam amplius inquirens, aut malum ipsum infirmo manifestans, ad exemplum spiritualium medicorum seu confessoriariorum, qui similiter facere tenentur in cura animarum. Talis igitur semper tibi eligendus erit, qui compassione, prudentia, dexteritate, vitæ integritate, scientia, multisque aliis qualitatibus præditus sit.

i. — Lingua particularem requirebat medicinam. Expuit enim ob horrorem malorum quæ lingua suscitare solet; digito utitur ut refrenet, maxime dum ad blasphemias aliquando excitanda esset; tunc enim illam digito justitiae tunc comprimendam esse docere voluit. Blasphemi enim linguam suam in cælum ponere et contra Deum se erigere non dubitant. Propheta regius de blasphemis in Psalmo lxxii loquens, eosdem tanquam perditæ salutis homines, impietibus et sacrilegis, aliisque iniquitatibus et excessibus immeros describit: *Tenuit eos superbia, aperti sunt iniquitate et impietate sua; prodit quasi ex adipè iniquitas eorum; cogitaverunt et locuti sunt nequitiam, ac tandem maximum quod sit iniquitatem ipsorum explicaturus, ad eam usque malitiam eos pervenisse dicit ut linguam suam in cælum ponere non formidant: *Iniquitatem in excelso locuti sunt. Posuerunt in cælum os suum, et lingua eorum transitit in terra.* S. Ephrem hæc verba adducens subjungit: « Et audes aperire audacter os tuum et in cælum verba emittere, juramenta atque blasphemias? Et non times ne forte fax ignea, quam « Propheta vidit, demoretur in domo tua? » Lorus ait: « De Deo passim hæc verba explanant, de quo impii blasphemant sermones contra Excelsum. » Posuerunt in cælum os suum, id est, inquit Hugo Cardinalis, « contra Deum et celestia. » Daniel Propheta Antichristi tyrannidem prædicens, inter alios ejus intolerabiles excessus, hunc quoque enumerat: *Sermones contra Excelsum loquetur, et sanctos Altissimi conteret,* « blasphemando nimirum, » inquit idem doctissimus Cardinalis; hoc enim proprie est in cælum os suum ponere.*

VERSUS 34.

Et suspiciens in cælum, ingemuit, et ait illi: Ephphetha, quod est, adaperire.

Et suspiciens in cælum.

1. — Insigni, circa hujus afflicti sanationem, glossa utitur Cajetanus, in *Matth.*, inquiring: « Inter

« abscondere, ne nos vane gloriæ exponamus, qui ad eam proni sumus. Tanto magis plus prædicabam, » dicit idem Auctor, « quia tanto magis Deus cœlis præcipiebat, qui humilia respicit in cœlo et in terra, ipsoque exultat. »

Additio.

a. — Et præcepit illis ne cui dicerent. Magnum divinæ omnipotentiae signum occultari jubet Dominus, quod ex omnia scientia sua, hos homines divulgatos sciebat. Cur ergo præcepit, ut opus miraculosum facerent, quod præsciebat tanto magis prædicatos, quanto magis silentium commendabat? Et ad quid apprehendit hominem seorsum a turba, cum ipse sciret opus esse divulgandum? Respondent Eusebius Gallicanus *Hon. in Dom. XII post Pent.*, Beda, Haymon, Carthusianus, id factum ut ostenderet, quantopere vanam gloriam aversaretur. « Nobis, » ait Beda, « exemplum dare voluit, ut virtutum opera facientes, vitium jaentiae gloriamque vitemus humanam. » Magnorum virorum est, non habere præ foribus suas virtutes, non ostentare thesauros gloriæ suæ, et ideo Christus celare miraculum jubet; quem plurimi Sanctorum secuti sunt, qui ne vanam incurrerent gloriam sanctitatem celarunt. Obigit S. Paulo Apostolo specialis hæc prærogativa videndi Deum, ut Theologi loquuntur, *per modum transeuntis*; aliquot vicibus raptus fuit ad Paradisum, ubi ei revelata sunt secreta divina: *Audivit arcana verba, quæ non licet homini loqui*; et tamen, ut colligitur ex ejus Epistola, tacuit spatio quatuordecim annorum post raptum et visionem illam, nec minimam ejus fecit mentionem. *Scio hominem ante annos quatuordecim raptum hujusmodi, usque ad tertium cœlum*. Ubi Theophylactus notat: « Ut discas, ut cum quatuordecim annis conticuit, nec nunc protulisset quidem nisi necessitate compulsus fuisset. » Ubi quoque observandum est, non id eum in propria, sed in tertia persona dicere: *Scio hominem*, ut omnem a se amoveat ostentationis umbram. Ideoque Chrysostomus ait: « Vide extenuandi verbis quam large sit usus. »

VERSUS 37.

Et eo amplius admirabantur, dicentes: Bene omnia fecit; et surdos fecit audire et mutos loqui.

Bene omnia fecit.

1. — Angelus de Paz hujusmodi rationem reddit; quare Christus omnia fecisse diceretur bene: « Quia Deus, qui bonus per essentiam cum sit, perfecta semper operatur; unde vidit cuncta, quæ fecerat et erant vult bona. » Sed opponet forte quispiam illud Psalmistæ, *Psal. xxxix, 13, lamentum: Circumdederunt me mala, quorum non est numerus*. Quis enim videt, omni ex parte, in hac lacrymarum valle, quanta in dies et penæ et culpæ

inundant spendia? Huic objectioni satisfacit celebre illud S. Augustini axioma, *Enchir.*, III, 25, dicens: « Deus meus iudicabit de malis beneficiæ, quam mala nulla esse permittere. » Et alibi, *de Civit. Dei*, XII, cap. xi, pariter: « Neque enim Deus omnipotens, cum summe bonus sit, ullo modo sineret mali aliquid esse in operibus suis, nisi usque adeo esset, omnipotens et bonus, ut beneficeret etiam de malo. » Unde Joseph a fratribus suis in Ægyptum venditus, profitebatur dicens, *Gen.*, xxx, 29: *Vos cogitastis de me malum et Deus vertit illud in bonum*. Duplex est, ut diximus, in orbe malum, culpæ scilicet et penæ, primum gravius secundo; illud S. Bernardus dum sollicite discebat, *Serm. II sup. Ps. Qui habitat*, magni perhibet esse originem boni: « Miro quodam modo ipsum peccatum etiam in iustitiam cooperatum et humiliores efficiunt et cautiore. » Hujus porro multiplicæ fructus paucissimis hisce verbis subtiliter concludit Apostolus, II *Tim.*, II 12: *Si sustinuerimus et congrebimus. Mala enim penæ, cum amore et patientia Christiana tolerata directam nobis in colum viam planant.*

2. — Verbum bene variis vestit circumstantiis Salmeron: « Bene omnia fecit: potenter, sapienter, iuste, misericorditer, suaviter, opportune omnia fecit. » S. Bonaventura omnia examinans, dicit: « Omnia per ipsum facta sunt: Per quem factus est Angelus, et per ipsum factus est vermiculus; unde omnes Reges, et Pontifices, et Imperatores, de tota potentia sua non possent creare unam muscam. »

3. — Nequaquam de nobis verificari potest: *Bene omnia fecimus*. Utpote qui collatis in nos a Deo beneficiis, qui tempore, sanitate, juventute, ingenio, sensibus, divitiis, tribulationibus et infirmitatibus abusi fuimus, cum tamen Deus hæc et illa concesserit, tanquam profectus et salutis nostræ media; Sacramenta, bona consilia, pia exempla et omnia alia, salutis nostræ cœlitus destinata, auxilia flocci æstimantes, *mala omnia fecimus*; quapropter supplicemus ei, ut mala convertat in bonum, quia potens est de lapidibus istis suscitare filios Abrahamæ. *Matth.*, III, 9.

4. — « Quod certe eloquium in solum Deum competit, » ait Jansenius, « nemo enim mortalium, qui bene omnia fecit; quia non est iustus, qui non peccet. » Unde *Eccli.*, xxxix, 21: *Opera Domini universa, bona valde.*

Et surdos fecit audire et mutos loqui.

5. — Docte animadvertit Dionysius Carthusianus, S. Marcum non meminisse hujus in surdo et muto perpetrati miraculi, cum omnibus illis circumstantiis et personis, cum quibus illud nobis representat S. Evangelista Matheus, hic enim alios insuper tum surdos et mutos, hæc cecos et

manecos annectit: « Sed Marcus scribit de uno, cuius curatio solemnius facta est et multa mystica figuravit, eratque mirabilior, quia in uno homine tria signa simul facta videntur; dum obsessus liberatur, surdus auditus et mutus loquens caperat. »

DOMINICA DUODECIMA POST PENTECOSTEN

EVANGELIUM LUCE, CAP. X, VERS. 23

23. Beati oculi, qui vident quæ vos videtis.
24. Dico enim vobis, quod multi Prophetae et Reges voluerunt videre, quæ vos videtis, et non viderunt; et audire quæ vos auditis, et non audiverunt.
25. Et ecce quidam Legisperitus surrexit, tentans illum et dicens: Magister, quid faciendū, vitam æternam possidebo?
26. At ille dixit ad eum: In lege quid scriptum est, quomodo legis?
27. Ille respondens, dixit: Diliges Dominum Deum tuum ex toto corde tuo, ex tota anima tua, et ex omnibus viribus tuis, et ex omni mente tua; et proximum tuum sicut teipsum?
28. Dixitque illi: Recte respondisti; hoc fac et vives.
29. Ille autem volens justificare seipsum, dixit ad Jesum: Et quis est meus proximus?
30. Suscipiens autem Jesus, dixit: Homo quidam descendebat ab Jerusalem in Jericho et incidit in latrones, qui etiam despoliaverunt eum, et plagis impositis abierunt, semivivo relicto.
31. Accidit autem, ut Sacerdos quidam descenderet eadem via, et viso illo præterivit?
32. Similiter et Levita cum esset secus locum et videret eum, pertransiit.
33. Samaritanus autem quidam iter faciens, venit secus eum, et videns eum, misericordia motus est.
34. Et approprians alligavit vulnera ejus, infundens oleum et vinum, et imponens illum in iumentum suum, duxit in stabulum, et curam ejus egit.
35. Et altera die protulit duos denarios et dedit stabulario, et ait: Curam illius habe; et quodcumque supererogaveris, ego cum rediero, reddam tibi.
36. Quis horum trium videtur tibi proximus fuisse illi, qui incidit in latrones?
37. At ille dixit: Qui fecit misericordiam in illum; et ait illi Jesus: Vade, et tu fac similiter.

VERSUS 23.

Beati oculi, qui vident quæ vos videtis.

Beati oculi, qui vident.

1. — Textus ille contrariari videtur alteri, quem a S. Joanne allegatum, *cap. xx, 49*, et a Christo pronuntiatum novimus, nimirum: *Beati oculi, qui non vident et crediderunt*. Difficultatem hanc Tolemus resolvit, considerans, sanctum Apostolum Thomam, negando se crediturum nisi videret, intendisse visionem, velut indicem et conditionem, sine qua non, fidei suæ; quia ut primum ipse Magistrum suum vidit, illico eum resurrexisse credidit, et ideo inibi Christus præponit illos, qui credunt absque eo, quod a sensu visus ad credendum inducantur. In præsertim autem Evangelio: « Simpliciter et absolute, consideratur aspectus et presentia Christi; hoc autem fuit insigne beneficium et privile-

gium, nec ob eam presentiam, discipulorum fides minor fuit; nam etsi Christum viderunt, ipsum tamen Messiam et Dei Filium esse non viderunt, sed crediderunt. »

2. — S. Cyrillus Alexandrinus in *Catena* per verbum *videre* non semper visionem strictè dictam, designari docet: « Illud autem scire convenit, quia videre non significat actum oculorum, sed mentis recreationem in præteritis beneficiis; puta, si quis dicat: Iste vidit bona tempora, id est, gavius est in bonis temporibus, secundum illud: *Videns bona Jerusalem*. » Multi quidem Judeorum oculis suis viderunt Christum, sed non crediderunt in eum, nec quidquam ipsis in redemptionem profuit adventus et presentia Christi. Albertus Magnus in persona Christi, quinam videndo Salvatorem beati sunt, ostendit inquam: « Beati sunt, qui sic me exterius aspiciunt, quod interius divinitatem